

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 76. zenbakia. 2001eko martxoaren 30a.

Hemen da hamabigarren Korrika!

Astlehenean iritsiko da herrira gaueko 09:10 inguruan

Bi urteren bueltan, bihar bertan iritsiko da Antzuolara euskararen aldeko Korrika. AEK-k antolatzen duen lasterketaren 12. aldia da, eta aurtengo egitasmoa Nafarroan eta Ipar Euskal Herrian euskaltegiak sortzea da, baina, bereziki, Baionan euskaltegia eta herrialdeko egitura kokatzeko egoitza zabaltzea.

Korrika pasa baino lehenago, Korrika kulturalaren barruan, hainbat ekitaldi egongo dira, giroa berotu eta jendea animatzeko. Bihar, zapatua, esate baterako, musika emanaldia egongo da herrian. Gaztetxean izango da, eta behin baino gehiagotan herrian izan dugun talde bat gonbidatu dute: Skalariak. Ska talde honek gaueko 10:30ean eskainiko du musika emanaldia. Sarrera 500 pezeta kostako da.

UMEEN TXANDA

Eta zapatu gauean gazteen txanda izango den arren, domekan gaztetxoek izango dute ondo pasatzeko aukera. Txan Handia magoa izango dugu bisitan herrian. Hainbat aldiz bere magia triki-mailuekin gozatzeko aukera izango zenuen, eta, orain, aurrez aurre ikusteko aukera izango duzue. Emanaldia zine aretoan izango da, arratsaldeko 6etan.

MATERIALA SALGAI

Eta domekan, Korrikako materiala salgai jarriko dute Korrikako lagunek. Ainhoa Ugarteburuk, Korrikako Debagoieneko koordinatzaileak, adierazi digunez, "praka, gona, udako elastiko, arkatxak eta beste hainbat gauza jarriko ditugu salgai". Korrikaren alde dirua jasotzeko materiala da guztia. "Bada, ordea, dirua jasotzeko beste modu bat ere: kuestazioa



Skalariak taldearen kontzertua zapatuan, 22:30ean, Gaztetxean

eta kilometro salmenta. Kuestazioa joan zen asteburuan egin genuen eta 12.355 pezeta jaso genituen. Aurten zazpi kilometro erosi dizkigute herriko enpresek eta udalak; Antzuolako Udalak, Elay Taldeak, Elayko langileek, Matz Errekak eta Goizperrek erosi dituzte. Guztira 280.000 pezeta jaso ditugu". Eta, hain zuzen, kilometro horiek izango dira Korri-

kak Antzuolan zeharkatuko dituenak. Apirilaren 2an, astlehenean, iritsiko da Bergararik iluntzeko 8:59an. Herri barrura 21:11n iritsiko da, eta udal ordezkariak eta AEKk ematen dituen EGA eskolako ikasleek eramango dute testigua herri barruan. Gero, Deskarga gainean urretxuarrei emango diete testigua.

■ ■ ■
Domekan, 18:00etan, zine aretoan Txan mago ospetsuaren emanaldia izango da
■ ■ ■

Elay Taldea izan zen Gipuzkoako esportatzaile nagusiena

Joan zen asteen banatu zituen Gipuzkoako Merkataritza Ganberak enpresa azpimarragarrienen sariak. Azpeitiko Kiruri jatetxean egin zuten sari banaketa eta Elay taldeak jaso zuen han banatutako sarietako bat: esportatzaile nagusienaren saria, hain zuzen ere. Izan ere, Elay taldeak 2000. urtean izandako irabazietatik %60 esportaziotik jaso zituen; irabazietatik, 8.300 milioi pezetatik, salmenten %60 kanpoan saldu zuen. Bost kontinentetan saltzen du Elayk, baina 2005. urtera bitartean Amerika eta Kanadako merkatuak handitzea nahiko lukete arduradunek: Mexiko, Kanada eta EEBBkoak.

CELAYATIK BARRENA

Elay Taldeak lantegi bat ireki zuen iaz Mexikon eta, dagoeneko, 45 bat langilek dihardute han lanean. Lantegi horren helburua Amerika eta Kanadako merkatuan tokia egitea litzateke, eta 2005. urtera bitartean 1.000 milioi pezetako salmentak aurrez ikusten ditu EEBB, Kanada eta Mexikoko merkatuei esker.

Elay Taldeak, Celayako lantegiko



Santi Zabaleta Merkataritza Ganberak emandako saria jasotzen.

langileez gain, 338 langile dauzka uneotan lanean.

SARI BANAKETA

Azpeitiko Kiruri jatetxean egin zen sari banaketan Elay Taldeko zuzendari oroko-

rra izan zen: Santi Zabaleta. Berak adierazi zuenez, "sari hau talde osoaren lanaren errekonozimendua da. Ni naiz Elay Taldearen ordezkaria kontu horretan, baina hau talde guztiaren lanari emandako saria da".

Dantzari eguna datorren domekan, apirilaren 8an

Urtero Debagoieneko herri baten ospatzen dute, eta aurten, Antzuolari egokitu zaio. Duela urte batzuk erabaki zuten, inguruko herrietako dantza taldeekin batera, horrelako egun bat antolatzea, euskal dantzak bultzatzeko. Iaz, Arrasaten ospatu zuten. Goiz eta arratsalde arituko dira inguruko herrietako dantzariak. Goizeko saioa 12:30ean hasiko da; arratsaldekoa, berriz, 17:30ean.



Iaz, Arrasaten ospatu zuten Dantzari Eguna.

GOROSTI
Taberna

☎ 943 76 62 96

Zurrategi plaza ANTZUOLA



Jose Gomez
Abad

Errekalde 6, 4-B. Antzuola
943 76 60 19
943 76 60 43

AITZ-GARBI



taberna
jatetxea

Pintxoak eta kazulatuak.
Bazkariak eta afariak

Kalebarren 15. Tf. 943 78 70 51

Herri kanpotik doan errepidea hobetzea eskatzen dute herritarrek

Joan zen asteko egubakoitzean jende dezente elkartu zen DYA parean euren eskaria agertzeko. Antzuolako Udalak deitu zituen herritarrek, errepideak sortutako arazoengatik protesta egingeko, eta 150 bat lagunek hartu zuen parte protestan errepidea moztuz.

Udal ordezkariak adierazi dutenez, egoera hobetzeko Foru Aldundiko Errepide Departamenduarekin harremanetan jarri diren arren, ez diete erantzunik eman. "Beti ezezko erantzuna jasoz dugu".

Udalaren ustez, "Beasain-Durango korridorea egitea arazoa hobetzeko modu bat litzateke, baina badirudi lanak ez direla hasiko 2005. urtera arte". Izan ere, Bergarako saihebidetako lanak eta Ormaiztegi-Zumarraga arteko autobidetako lanak aurreratu egin ditu Diputazioak, eta Bergara eta Zumarraga arteko lanak atzeratu. Antzuolako Udalak, horren au-



150 bat lagun bildu zire hilaren 23ko protestaldian.

rrean, lehenbailehen konponbidea ematea eskatzen du, izan ere, errepide zati hori oso arriskutsua da: errepidea "nazionala" da eta trafiko handia egoten da

egunero; horrez gain, bihurgune batetik oso gertu dago oinezkoendako pasabidea, eta horrek arriskua handitu egiten du.

Irlandarrak Antzuola bisitatzen izan ziren

Irlandarrek ezagutzen ei dute Euskal Herria. Hara joan eta euskalduna zarela esanez gero, denek ulertzen ei dute. Baina Antzuola aipatuz gero, hori bai ezagutzen dutela; izan ere, urtero-urtero joaten da antzuolar koadrilla bat Belfast aldera. Orain, irlandar batzuen txanda izan da. Terry O'Neill eta Bik MacFarlane musikariak herrian izan ziren joan zen astean, 'Tuan' taldeko beste bi kideekin. Bi kontzertu eman zituzten, Korrika Kulturaren barruan: Durangon eta Gasteizen. Bergarako hotel batean ostatu hartu zuten arren, Antzuolan pasatzen zuten eguneko zatirik handiena. Guk, poteoan harrapatu genituen, eta pozik asko jarri zitzaizkigun argazkirako.



zabalo

IGELTSEROTZA

Jose Luis Zabalo

Birgaitzeak • Fatxadak
Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

Igor eta Txomin



Margoak orokorrean

ANTZUOLA 609 157 131
BERGARA 609 150 164

MUJIKA
HARATEGIA



Berezitasunak:
Etxean hazitako
zeorak eta oilaskoak

Kalebarren, 1. ANTZUOLA
Tf. 943 76 64 34

**LEKU-BERRI
MERENDEROA**

Janariak eta edariak

Tf. 943 76 60 94

Aintzane Irizar, Goienkaria eta Kontuolako berri-emailea

«Herriko talde eta elkarteekin harreman onak sendotu nahi ditugu»

Aurreko Kontuolan aditzera eman genizuen bezala, Goiena Komunikazio Zerbitzuak Kooperatiba Elkarteak gestionatu du aurrerantzean Kontuola eta, ondorioz, Goienako langile bat arduratuko da Kontuola hamabostekaria osatzeaz.

Gauzak horrela, Idolaz euskara elkarteeko kideek adierazi digutenez, "arrazoizkua pentsau jaku Goienkaria astekarixan Antzuolako berririk idazten ditudan pertsona bera izatia Kontuolaz be arduratuko dana". Hori dela eta, Aintzane Irizar arduratuko da hemendik aurrera Kontuolaz. 2000ko abenduaren lehenetik bera dabil Antzuolako berriak idazten Debagoieneko aldiakarian, Goienkarian. Oñatin jaiotakoa da, baina erdi antzuolarra ere bai; zuetako askok ezagutuko duzue seguruenek honez gero. 25 urte ditu eta Publizitateko ikasketak egin zituen Euskal Herriko Unibertsitatean, baina berak esaten duen bezala, "zehatzago esateko, eta begiratu ze polita gelditzen dan, Informazio Zientzietan lizentziatua naiz, Publizitate eta Harreman Publikoetan espezializatua".

Zelako albisteak jasoko ditu Kontuola berriak?

Alde batetik, astean zehar herrian gertatutako berriak jasoko ditu. Baina hori baino zerbait gehiago ere egin nahi dugu; herriko talde eta elkarte guztiekin harremanak sendotu nahi ditugu, eta eurekin elkarlanean jardun, herriko gertakizun eta berriei beste ikuspegi batetik heldu, hau da, herri txikietan gaurkotasanarekin lotutako albiste asko ez dira sortzen eta, horregatik, beste hainbat



Aintzane Irizar, Kontuolako berri-emaile berria.

kontu bihurtzen dira albiste. Bestalde, gaurkotasanik izan ez arren, interes berezia duten herriko antzinako kontu eta istorioak agertzea ere nahi dugu. Gure helburua, dena dela, gaur egun daukagun Kontuolan oinarrituta, baina zerbait gehiago, eta, nola ez, hobea eskaintzea da. Ia, bada, lortzen dugun.

Zelakoa izango da Kontuola berria?

Aldaketarik nabarmenena itxura aldetik emango da, etorkizunean egunkari

formatora pasatuko da eta. Orain Berrigara, eta bere barruan Kontuola, Goienkariarekin batera banatzen da. Gero, berriz, Bergarako edizioaren barruan joango da, Elgetako Goibekokale eta Berrigararekin batera eta astero banatuko da. Oraindik zehazteke dago zenbat orrialde izango dituen Kontuolak; Goienkariako eta Debagoieneko aldiakari guztietako ordezkariek hori aztertzen ari dira eta; dena dela, pare bat orrialde izango dituela aurrez ikusten dugu.



Kontuola berria oraingoan oinarrituko da, baina zerbait hobea eskaintzeko helburua du



Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak

LARREA

TABERNA

Kalebarren 17
ANTZUOLA